


Fakatokatokaaga Gahua ma e Tūaga Haohao Mafola ha Niue 2025–2029

Ko e Fakatokatokaaga gahua nai to lagomatai atu ke he tau Pou Malolō he tohi Fakatokatokaaga Gahua ha Niue: Tau Puhala Moua Tupe Mo E Tau Gahua Ati Hake Monuina; Tau Puhala Gahua Ke Iloa Mo E Maama; Faahi Talaga Mo E Leveki Koloa; Tau Puhala Fakahagahaga Mitaki He Moui He Tagata; Faahi Takatakaimotu Mo E Hikihikiaga He Matagi; Tāoga Niue; Tau Matakau I Fafu He Fakatufono Mo E Tau Kautaha Pisinisi



Ko e ha ne taute ai e Fakatokatokaaga Gahua ma e Tūaga Haohao Mafola ha Niue

Ko Niue ko e makauho tokiofa ha tautolu he atu Polenesia, ti ko e ha tautolu a fatuakiloto ke leveki mo e puipui ha talu tau tagata, motu katoa, tāoga, tau fakavēaga he moui he tagata Niue, mahani fakamotu, moui tapuaki, mo e tau koloa he tufugatia he kelekele mo e tofia, ke hoko atu ke he taha hau mo e taha hau.

Ko e maamaaga ha tautolu ke he tūaga haohao mafola he motu ne fa.

kamanatu mai he ha tautolu a tau momoui he tutupu hake he motu, tau tāoga he motu, tau tagata Niue, vagahau Niue, tūaga he tagata Niue, tau pulotu fakamotu, mo e tau aga mo e mahani fakamotu. Ko e kitekiteaga ki mua ma e **tūaga haohao mafola, ke logona hifo he tau tagata e moui nofo milino, ainei mo anoiha.**

Haohao Mafola ha Niue ne fakamahino e tau mena hagahagakelea kua kitia, ainei mo e a anoiha. To fakamaama e tau puhala ke fakatumau a tautolu ke nonofo mafola, nonofo milino mo e leveki e moui fakamotu. Feaki leveki, puipui e Anoiha ha Niue.

Ko e tau mena fakatupetupe ke he mafola he motu ka totoko atu ki ai ke leveki e motu

Kua loga lahi e tau vahega paleko kua fakafehagai mo Niue, i Niue nai mo e i fafo ha Niue. Ha ne fae tupu falu ainei, ka e haia falu ne atagia mai i halafualagi-kia amanaki a tautolu ke fakafelau atu ki ai. Kia fakatumua e fakafelau atu ke he tau mena ne tutupu mai he hikihikiaga he matagi. ti pihia ke he tau paleko ke he takatakaimotu, tau koloa lalahi ne atihake e motu, ti pihia ke he tau puipuiaga malolō tino mo e levekiaga ke he tau kai, ka e nakai noa mo e mailoga e tupetupe ha ko e tau tupe moua, tau mena tutupu he tau loto kaina, tau mena fakatupetupe ke he tofia, tau agahala he tau matakau kolokolovao he tau motu, tau agahala ke he utafanoaga he tau fekau he pulagi likolika tau agahala ha ko e tau tupe, mo e fekehekeheaki he tau lagomataiaga he tau motu kehe.

“Ke nonofo mafola e tau tagata he motu aofia ai a lautolu ne evaeva mai ke he motu”

Kitekiteaga ki mua he Fakatokatokaaga Gahua ma e Tūaga Haohao Mafola ha Niue. Kia mitaki tugi e mafola ha Niue. Ko E Tohi Fakatokatoka Gahua Ha Niue 2016-2026



Ha mautolu a tau manako mo e fakagahua:

ONOONO HIFO KI NIUE

Laveaki e tau tagata he motu mai he tau mena uka

“Ko e tau tagata ha Niue ko e koloa uho tokiofa ha Niue ...” – Ko E Tohi Fakatokatoka Gahua Ha Niue 2016-2026

To kaufakalataha ke puipui e tau tagata mai he tau mena kelea ha ko e:

- Hikihikiaga he Matagi
- Malolō Tino mo e moui olaola
- Fakaholoaga ma e tau Lekua tupu Fakaofu
- Fakaholoaga puipui mafola ma e tau kala he motu mo e tofia moana pukelahi.

Tau faahi gahua mo e tau koloa he Fakatufono kia mau tumau

Ko e tau faahi gahua ne falanaki ki ai e tau tagata he motu mo e tau tagata ahiahi kia mau tumau. Ko e malē vakalele a Niue mo e uafo, kua falanaki ki ai e utafanoaga he tau koloa mo e tau tagata, kia mau katoatoa tumau. Ko e tau koloa lalahi ne atihake e motu to fakatauō mo e magahala, kia hako e tau levekiaga ti tonu foki e tau lagomataiaga mai he tau matakau lagomatai mai fafo.

Ko e tau koloa lalahi he motu ne atihake e motu to fakatumua ke mau tumau ke gahuahua, he tau kau gahua kua pulotu mo e gahua fakamooli.

ONOONO ATU KI FAFO I NIUE

Mauokafua e tau fifiliaga he Fakatufono ma e levekiaga he mafola

Ko e tau fifiliaga he Fakatufono to leveki e pule tonuhia he motu ko Niue, to fakatauō lautatai mo e tonu he tau fakagahuahuaaga he tonuhia he fakatufono ke lata mo e tau tagata oti ha Niue.

Ha ha i ai e tau komiti gahua ka fifili he Fakatufono ke onono tumau ke he tau mena neke moumou e tūaga haohao mafola he motu ti to fakakoloa foki e tau tagata kua fakaako mo e tau iloaaga kua hokulo mo e tonu.

Fakafetuiaga mauokafua mo e tau matakau he lalolagi

Ko e tokanoaga he motu ko Niue ke he lalolagi lahi, kua maeke ai a Niue ke ukufakina ke he tau mena ke monuina ai e motu. Ka e ko e tau fakafetuiaga ia to nakai eke mo fakapouligia e pule tonuhia he tagata Niue.

To fakatumau:

- Ke fakatolomaki e fakafetuiaga he tau gahua mo Niu Silani
- Fakamalolō ke vagahau he tau fonoaga he atu Pasifika mo e lalolagi oti
- Ke mailoga e tonu mo e hako he tau fakafetuiaga mo e fefakalilifuaki.

ONOONOAGA KI MUA

Mau Amaamanaki ke fakafelau mo e tau paleko a anoiha

To eketaha a tautolu ke mau amanaki ke fakafelau mo e tau paleko kua gutugutu mai, ha kua mafiti lahi mo e vakavaka fakahaga.

To tokamata e tautolu e tau paleko ha ne gutugutu mai i halafualagi mo e mau amanaki ke he tau paleko he tau aho i mua. To eke pihia ke he puhala feutaaki he tau iloaaga mo e falu kautū, mo e fetutalaaki, fakailoa foki he tau mena ne fa e puna hake mo e moumou fakahaga e mafola he motu. To fakaako fakamahani tumau ke fakafelau mo e tau paleko loga, aofia ai foki mo e tau magaaho ka tupu e tau lekua tupu fakaofu.